



Lars Poulsen  
Inatsisartunut ilaasortaq, Siumut

**Tunami piorsarsimassutsikkut illorsualiornissamut tunngatillugu § 37  
naapertorlugu apeqqummut nr. 98/2024–mut akissut**

28-05-2024  
Suliap normua: 2024 - 1595  
All. nr. 24189717

Postboks 1029  
3900 Nuuk  
Oqarasuaat:  
+299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Lars Poulsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

***Apeqqut 1: Naalakkersuisut pilersaaruteqarpisi, nunatta kangiani piorsarsimassutsikkut illorsualiornissamut pilersitsissallusi?***

**Akissut:** Tunumi kulturikkut illorsuarmik pilersitsinissamik Naalakkersuisut pilersaaruteqanngillat.

***Apeqqut 2: Taamatut pilersaaruteqartoqarsimappat piffissami qaqugukkut piorsarsimassutsikkut illorsualiornissamik sanaartortoqarnissaa pilersaarutigineqarpa?***

**Akissut:** Apeqqut 1-imut akissut takuuk.

***Apeqqut 3: Piorsarsimassutsikkut illorsuaq, piffimmi naleqquttoq sananeqassappat qanoq naleqassava akeqassavamita?***


**Akissut:** Sanaartugassap akissaataa nalilerneqarnissaanut atorsinnaasunik Naalakkersuisut paasissutissaateqanngillat. Taamatut naliliisoqarsinnaassappat minnerpaamik sanaartugassamut pilersaarut pigineqartariaqarpoq piorsarsimassutsikkut illorsuassaajunnartup angissusissaanik paasissutissartalimmik. Sanaartugassap akissavia paasisinnaajumallugu suliassaq pilersaarusioneqarsimallunilu suliarinnittussarsiuunneqarsimasariaqarportaaq.

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaanni nr. 5, 6. juni 2016-imeersumi § 3 naapertorlugu kommunalbestyrelsi pingaarnertut akisussaasuvoq kommunimilu innuttaasut kulturikkut neqerooruterpassuarnik inerisaaqataanissamut, ingerlatsinissamut atuinissamullu periarfissinneqarnissaat siunertaralugu anguniagassanik killiliussassanillu

aalajangersaasussaalluni. Naalackersuisut § 2 imm. 2 nr. 2 aammalu § 7, imm. 1 naapertorlugit ininik naleqquttunik pissarseqataanissaq aamma timikkut allatigut atugassaqartitseqataanissaq kisimi pisussaaffigivaat.

Naalackersuisunit tapiissuteqartoqassappat Aningaasanut inatsimmi tamatumunnga siunertamut illikartitsisoqarsimanissaa piunasaqaataavoq. Naalackersuisut aningaasaliisoqarnissaanik siunnersuuteqassagaluarunik Kommuneqarfik Sermersuumiit ersarissumik qinnuteqartoqarsimasariaqarpoq, matumanilu sanaartornissamut aningaasaliinissaq ilanngullugu eqqarsaatigalugu isummersimassalluni.

Inussiarnersumik inuulluaqqusillunga



Aqqaluq B. Egede